

## ODLUKU

### O VETERINARSKO-ZDRAVSTVENIM UVJETIMA KOJI MORAJU BITI ISPUNJENI PRILIKOM STAVLJANJA U PROMET ŽIVE RIBE, RAKOVA I MEKUŠACA, TE PROIZVODA DOBIVENIH OD NJIH

#### POGLAVLJE I. OPĆE ODREDBE

##### Članak 1.

Ovom odlukom određuju se veterinarsko - zdravstveni uvjeti koji moraju biti ispunjeni prilikom stavljanja u promet žive ribe, rakova i mekušaca i proizvoda dobivenih od njih.

##### Članak 2.

Termini uporabljeni u ovoj odluci imaju sljedeća značenja:

- a) "akvakultura" - žive ribe, rakovi ili mekušci koji dolaze iz uzgajališta, uključujući one iz slobodnih voda, a namijenjeni su za uzgajališta;
- b) "proizvodi akvakulture" - proizvodi dobiveni od životinja akvakulture, bilo s namjerom uzgajanja, kao što su jaja i gameti, ili za ljudsku potrošnju;
- c) "ribe, rakovi ili mekušci" - sve ribe, rakovi i mekušci na bilo kom stupnju razvoja;
- d) "uzgajalište" - geografski jasno definiran prostor u kome se akvakultura uzgaja i drži s namjerom stavljanja u promet;
- e) "odobreno uzgajalište" - uzgajalište koje udovoljava uvjetima propisanim u Aneksu III (II, III), i odobrena kao takva sukladno sa člankom 6 ove odluke;
- f) "odobreno područje" - područje koje udovoljava uvjetima propisanim u Aneksu II (I, II i III), i odobrena kao takva sukladno članku 5. ove odluke;
- g) "mjerodavni veterinarski inspektor" - osoba odgovorna za sprovođenje kontrola predviđenih ovom odlukom;
- h) "stavljanje u promet" - držanje ili izlaganje radi prodaje, ponuda za prodaju, prodaja, isporuka, ili bilo koji drugi oblik stavljanja u promet, sa izuzetkom prodaje na malo.

#### POGLAVLJE II. SADRŽINA ODLUKE

##### Članak 3.

(1) Da bi se stavila u promet akvakultura mora ispunjavati sljedeće opće uvjete:

- a) ne smije pokazivati kliničke znake bolesti na dan utovara;
- b) ne smije biti namijenjena klanju ili uništavanju u okviru plana za eradikaciju bolesti navedenih na listi u Aneksu I;
- c) ne smije dolaziti iz uzgajališta čiji rad je zabranjen iz razloga neispunjavanja veterinarsko - zdravstvenih uvjeta i ne smije biti u kontaktu sa životinjama sa takvih uzgajališta.

(2) Da bi se stavili u promet u svrhu uzgoja proizvodi akvakulture: jaja i gameti moraju poticati od životinja koje ispunjavaju uvjete propisane u stavku (1) ovog članka.

(3) Da bi se stavili u promet za ljudsku ishranu proizvodi akvakulture stavljeni moraju poticati od životinja koje ispunjavaju uvjete propisane u stavku (1) tačka a) ovog članka.

#### Članak 4.

(1) Akvakultura mora biti isporučena u najkraćem vremenskom periodu na određite, koristeći sredstvo transporta koje je očišćeno i ako je potrebno, dezinficirano sredstvima za dezinfekciju službeno odobrenim od strane nadležnog entitetskog organa i Brčko Distrikta Bosne i Hercegovine.

(2) Vozilo koje se koristi za kopneni transport mora biti konstruirano tako da voda koja se koristi ne otiče tokom transporta. Transport treba biti obavljen na takav način da efikasno garantira zaštitu zdravlja životinja, posebno redovnom zamjenom vode. U slučaju potrebe zamjena vode mora biti obavljena na mjestima koja udovoljavaju zahtjevima propisanim u Aneksu IV. Popis tih mjesta i bilo koje naknadne promjene moraju biti evidentirane.

#### Članak 5.

(1) Mjerodavni organi entiteta i Brčko Distrikta Bosne i Hercegovine su dužni, u cilju određivanja statusa određenog područja, za jednu ili više bolesti koje su navedene u Aneksu I, koloni 1, lista II, u zahtjevu upućenom Uredu za veterinarstvo Bosne i Hercegovine (u daljem tekstu: Ured), osigurati:

- a) sve odgovarajuće dokaze sukladno uvjetima propisanim u Aneksu II, pod I B, II B ili III B;
- b) poštivanje pravila koja su propisana u Aneksu II, pod I C, II C ili III C.

(2) Ured je dužan ispitati navode zahtjeva iz stavka (1) ovog članka i odrediti ili obnoviti status određenog područja, na osnovu tog zahtjeva. Ako sukladno Aneksu II, pod I D 5, II D 5 ili III D 5, mjerodavni veterinarski inspektor utvrdi nedostatke bitne po status odobrenog područja dužan je naložiti mjere za otklanjanje nedostataka i o tome pismeno izvijestiti Ured. Ured je dužan izvršiti provjeru navoda i sukladno nalazu odlučiti o statusu odobrenog područja. Ured može ponovno dodijeliti status odobrenog područja za razmatrano područje ako su ispunjeni uvjeti propisani u Aneksu II, pod I D 6., II D i II D 6.;

(3) Ured je dužan sastaviti i voditi ažurno listu odobrenih područja, koja može biti promijenjena dodjelom novih ili oduzimanjem već izdatih odobrenja. Ured je dužan prosljediti listu i sve eventualne promjene u njoj mjerodavnim organima entiteta i Brčko Distrikta Bosne i Hercegovine.

#### Članak 6.

(1) Mjerodavni organi entiteta i Brčko Distrikta Bosne i Hercegovine su dužni, s ciljem dobivanja, statusa odobrenog uzgajališta smještenog u neodobrenom području, za jednu ili više bolesti koje su navedene u Aneksu I, kolona 1, listi II, u zahtjevu upućenom Uredu osigurati:

- a) sve odgovarajuće dokaze sukladno uvjetima propisanim u Aneksu III, pod I A, II A ili III A;
- b) poštivanje pravila sukladno uvjetima propisanim u Aneksu II, pod I B, II B ili III B.

(2) Ured je dužan u roku od mjesec dana od prijema dokumentacije, koja se odnosi na zahtjev za dodjelu ili ponovnu dodjelu statusa odobrenog uzgajališta u neodobrenom području, razmotriti istu. Razmatranje se sprovodi na osnovu dokumentacije navedene u stavku (1) ovog članka, a tamo gdje je potrebno, provodi se inspekcija na terenu sukladno članku 16. ove odluke.

(3) Kada Ured nakon razmatranja donese zaključak, prosljeđuje ga mjerodavnim organima entiteta i Brčko Distrikta Bosne i Hercegovine, a oni u roku od 15 dana od dana prijema zaključaka trebaju pismeno dostaviti svoje mišljenje.

(4) Poslije isteka ovog roka, ako nema primjedbi od strane mjerodavnih organa entiteta i Brčko Distrikta Bosne i Hercegovine, Ured je dužan odrediti status odobrenog uzgajališta.

(5) Ako se mišljenja Ureda i primjedbe mjerodavnih organa entiteta i Brčko Distrikta Bosne i Hercegovine u biti razlikuju, i nije ih moguće uskladiti odlučujućim će se smatrati mišljenje Ureda.

(6) Ako sukladno Aneksu III, pod I C, II C ili III C, mjerodavni veterinarski inspektor utvrdi nedostatke bitne po statusu odobrenog uzgajališta za određeno uzgajalište, dužan je narediti mjere za otklanjanje istih i o tome pismeno izvijestiti Ured. Ured je dužan provjeriti navode i sukladno nalazu odlučiti o statusu odobrenog uzgajališta.

(7) Ured je dužan sastaviti listu odobrenih uzgajališta, koja može biti promijenjena dodjelom novih ili oduzimanjem već izdatih odobrenja. Ured je dužan prosljediti mjerodavnim organima entiteta i Brčko Distrikta Bosne i Hercegovine listu i sve eventualne promjene u njoj.

#### Članak 7.

(1) Da bi se stavile u promet žive ribe koje pripadaju prijemčivim vrstama koje su navedene u Aneksu I, koloni 2, listi II, i njihova jaja i gameti, moraju se ispunjavati slijedeći dodatni uvjeti:

a) kada se dopremaju u odobreno područje, moraju sukladno članku 11. ove odluke biti praćene certifikatom koji odgovara modelu propisanom u Aneksu V, u poglavlju I i II kojim se dokazuje da potiču iz odobrenog područja ili odobrenog uzgajališta iz neodobrenog područja;

b) kada se dopremaju u uzgajalište, iako se ono ne nalazi u odobrenom području, a koje ispunjava uvjete izložene u Aneksu III (I), one moraju sukladno članku 11. ove odluke, biti praćene certifikatom koji odgovara modelu propisanom u Aneksu V, u poglavlju I. i II., kojim se dokazuje da potiču iz odobrenog područja ili uzgajališta istog zdravstvenog statusa kao i uzgajalište odredišta.

(2) Ured može usvojiti, promijeniti ili poništiti dodatne uvjete koji su navedeni u stavku (1) ovog članka, u zavisnosti od epizootiološke situacije u Bosni i Hercegovini posebno vodeći računa o rezultatu mjera za iskorjenjavanje bolesti koje su navedene u Aneksu I, kolona 1, lista I.

#### Članak 8.

(1) Da bi se stavili u promet živi mekušci koji su navedeni u Aneksu I, kolona 2, listi II, moraju se ispunjavati slijedeći dodatni uvjeti:

a) kada se dopremaju u odobreno priobalno područje, moraju sukladno članku 11. ove odluke biti praćene certifikatom koji odgovara modelu propisanom u Aneksu V, u poglavlju III. i IV., kojim se dokazuje da potiču iz odobrenog priobalnog područja ili odobrenog uzgajališta iz neodobrenog priobalnog područja;

b) kada se dopremaju u uzgajalište, iako se ono ne nalazi u odobrenom priobalnom području, a koje ispunjava uvjete izložene u Aneksu III (III), moraju sukladno članku 11. ove odluke, biti praćeni certifikatom koji odgovara modelu propisanom u Aneksu V, u poglavlju III. i IV., kojim se dokazuje da potiču iz odobrenog priobalnog područja ili iz uzgajališta istog zdravstvenog statusa kao i uzgajalište odredišta.

(2) Ured može usvojiti, promijeniti ili poništiti dodatne uvjete koji su navedeni u stavku (1) ovog članka., u zavisnosti od epizootiološke situacije u Bosni i Hercegovini.

#### Članak 9.

(1) Da bi se stavili u promet akvakultura i proizvodi akvakulture podrijetlom iz neodobrenog područja u odobreno područje, a koji su namijenjeni ljudskoj ishrani moraju se ispunjavati slijedeći uvjeti:

a) Ribe prijemčive na bolesti koje su navedene u Aneksu I, koloni 1, listi II

1) moraju biti zaklane i eviscerirane prije otpreme;

2) evisceracija nije obavezna u slučaju da riba dolazi iz odobrenog uzgajališta iz neodobrenog područja.

b) Živi mekušci koji su prijemčivi na bolesti koje su navedene u Aneksu I, koloni 1, lista II, moraju biti isporučeni, ili za direktnu ljudsku potrošnju ili za konzerviranje u industriji i ne mogu biti ponovo stavljeni u promet, osim ako:

- 1) nemaju podrijetlo iz odobrenog uzgajališta iz neodobrenog priobalnog područja, ili
- 2) su privremeno pohranjeni u umjetne bazene ili u centre za pročišćavanje koji su specijalno opremljeni i odobreni u tu svrhu od mjerodavnog organa i posebno uključuje sistem za tretiranje i dezinfekciju rezidualnih voda.

(2) Ured je dužan preduzeti sve odgovarajuće mjere da se osigura jedinstvena primjena ovog članka.

#### Članak 10.

(1) Mjerodavni organi entiteta i Brčko Distrikta započinju proceduru propisanu u članku 5. stavak (1) i članku 6. stavak (1) ove odluke podnošenjem programa Uredu u kojem su dužni navesti:

- a) geografsko područje sa lokacijom uzgajališta odnosno sa lokacijama svih uzgajališta koja se nalaze u tom području;
- b) mjere koje će biti preduzete od strane mjerodavnog veterinarskog inspektora da bi se osiguralo da će program biti pravilno proveden;
- c) dijagnostička ispitivanja obavljenja od strane opunomoćenih / referentnih laboratorija;
- d) prevalenca jedne ili više bolesti navedenih u Aneksu I, kolona 1, listi I i II;
- e) propisane mjere za djelovanje protiv ovih bolesti u slučaju njihovog pojavljivanja.

(2) Ured je dužan ispitati priložene programe iz stavka (1) i donijeti odluku o odobravanju istog. Nakon odobravanja programa, ulazak akvakulture i proizvoda akvakulture unutar područja ili uzgajališta obuhvaćenih ovim programom će biti sukladno mjerama propisanim u čl. 7. i 8. ove odluke.

(3) U slučaju potrebe programi predloženi od strane mjerodavnih organa entiteta i Brčko Distrikta Bosne i Hercegovine mogu biti promijenjeni ili nadopunjeni, u zavisnosti od epizootiološke situacije u Bosni i Hercegovini, i kao takvi biti odobreni od strane Ureda.

#### Članak 11.

(1) Certifikat koji se odnosi na čl. 7. 8. i 14. ove odluke, mora biti potpisan od strane mjerodavnog veterinarskog inspektora na mjestu podrijetla unutar 48 sati prije utovara.

(2) Izgled certifikata je propisan u Aneksu V. Ured je zadužen za štampanje certifikata iz stavka (1) ovog članka. Certifikati se štampaju:

- a) na jednom od jezika koji su službeno u uporabi u Bosni i Hercegovini,
- b) na jednoj stranici, u formatu A4.

(3) Važnost potpisanog certifikata je 10 dana od dana potpisivanja.

(4) Mjerodavni veterinarski inspektor na pismeni zahtjev potrebuje certifikate u Uredu, a naknada za certifikate pada na teret odgovorne osobe ili vlasnika uzgajališta.

(5) Svaka pošiljka akvakulture ili proizvoda akvakulture mora biti jasno obilježita kako bi se mogla slijediti do mjesta podrijetla i provjeriti stvarno stanje pošiljke akvakulture ili proizvoda akvakulture sa informacijama koje se nalaze u certifikatu. Ova informacija može biti fiksirana na kontejneru, nalijepljena na njega ili na certifikatu.

## Članak 12.

(1) U slučaju da žele započeti program kontrole za jednu od bolesti koje su navedene u Aneksu I, koloni 1, listi III, mjerodavni organi entiteta ili Brčko Distrikta Bosne i Hercegovine su dužni u svom zahtjevu upućenom Uredu posebno naznačiti slijedeće:

- a) raširenost bolesti na teritoriji mjerodavnog organa entiteta ili Brčko Distrikta Bosne i Hercegovine;
- b) obrazloženje programa, vodeći računa, o važnosti bolesti i njegovoj opravdanosti u odnosu na cijenu koštanja;
- c) geografski položaj na kojem će program biti implementiran;
- d) status uzgajališta koji se uspostavlja, standardi koji moraju biti ispunjeni od strane uzgajališta svake kategorije, uključujući procedure testiranja;
- e) akcija koja će biti preduzeta ako uzgajalište izgubi svoj status iz nekog razloga;
- f) način na koji će program biti praćen.

(2) Ured je dužan ispitati predložene programe od strane mjerodavnog organa entiteta ili Brčko Distrikta Bosne i Hercegovine i donijeti odluku o odobravanju istog, te ako je potrebno propisati dodatne uvjete, koji mogu biti traženi za ulazak akvakulture i proizvoda akvakulture na službeno kontrolisana područja ili uzgajališta.

(3) U slučaju potrebe, programi predloženi od strane mjerodavnih organa entiteta i Brčko Distrikta Bosne i Hercegovine, mogu biti promijenjeni ili nadopunjeni u zavisnosti od epizootiološke situacije u Bosni i Hercegovini, i kao takvi biti odobreni od strane Ureda.

## Članak 13.

(1) Ako mjerodavni organi entiteta i Brčko Distrikta Bosne i Hercegovine smatraju da je njihova teritorija ili dio njihove teritorije slobodna od jedne od bolesti navedenih u Aneksu I, kolona 1 lista III, oni podnose Uredu odgovarajuće obrazloženje, posebno ističući:

- a) naziv bolesti i povijest njenog prethodnog pojavljivanja u tom entitetu odnosno Brčko Distriktu Bosne i Hercegovine;
- b) rezultate nadzora temeljenim na serološkim, virusološkim, mikrobiološkim ili patološkim testovima, ili prepoznavanju parazita, te na činjenici da je bolest prijavljena mjerodavnom organu;
- c) vremenski period u kojem je nadzor provoden;
- d) kontrolne mjere u cilju potvrde da je teritorija ostala slobodna od te bolesti.

(2) Ured je dužan odrediti proceduru kojom se osigurava jedinstvena primjena ovog članka.

(3) Ured je dužan u saradnji sa mjerodavnim organom entiteta ili Brčko Distrikta Bosne i Hercegovine ispitati obrazloženja iz stavka (1) ovog članka, i sukladno proceduri propisanoj u stavku (2) ovog članka, proglasiti područje slobodnim od te bolesti, kao i dodatne uvjete koji mogu biti traženi za ulazak akvakulture i proizvoda akvakulture na tu teritoriju. Žive ribe, školjkaši ili rakovi i njihova jaja i gamete, koja se uvoze na ta područja moraju biti popraćena sa dokumentom o kretanju, kojim se potvrđuju da su ispunjeni dodatni uvjeti.

(4) Mjerodavni organi entiteta ili Brčko Distrikta Bosne i Hercegovine su dužni izvještavati Ured o bilo kojim promjenama navedenim u stavku (1) ovog članka koji se tiče bolesti.

## Članak 14.

(1) Pored zahtjeva određenih sukladno čl. 12. i 13. ove odluke, po pitanju bolesti koje su navedene u Aneksu I, koloni 1, listi III, prilikom stavljanja u promet žive ribe iz uzgoja, kao i njihovih jaja i gameta, koje ne pripadaju prijemčivim vrstama koje su navedene u Aneksu I, koloni 2, listi II moraju se ispunjavati sljedeći dodatni uvjeti:

a) kada se dopremaju na odobreno područje, moraju sukladno članku 11. ove odluke biti praćene certifikatom koji odgovara modelu propisanom u Aneksu V, u poglavlju V., kojim se dokazuje da imaju podrijetlo iz područja istih zdravstvenih uvjeta, iz odobrenog uzgajališta iz neodobrenog područja ili iz uzgajališta koje može biti smješteno u neodobrenom području, ali sa takvim uvjetima da uzgajalište ne sadrži ribe, koje pripadaju prijemčivim vrstama navedenim u Aneksu I, koloni 2, listi II, i nisu povezani sa vodenim tokom ili priobalnom ili morskim rukavcem.

b) kada se dopremaju na uzgajalište koje je smješteno u neodobrenom području, a koje ispunjava uvjete iz Aneksa III, moraju sukladno članku 11. ove odluke, biti praćene certifikatom koji odgovara modelu propisanom u Aneksu V, u poglavlju V., kojim se dokazuje da vuku podrijetlo iz odobrenog područja, iz uzgajališta sa istim zdravstvenim statusom ili iz uzgajališta koji može biti smješteno u neodobrenim područjima, ali sa takvim uvjetima da uzgajalište ne sadrži ribe, koje pripadaju prijemčivim vrstama iz Aneksa I, kolona 2, liste II, i nisu povezani sa vodenim tokom ili priobalnom ili morskim rukavcem.

(2) Uvjeti propisani u stavku (1) se primjenjuju i prilikom stavljanja u promet mekušaca iz uzgoja koji ne pripadaju prijemčivim vrstama koje su navedene u Aneksu I, kolona 2, lista II.

(3) Pored zahtjeva određenih sukladno čl. 12. i 13. ove odluke, po pitanju bolesti koje su navedene u Aneksu I, koloni 1, listi III, prilikom stavljanja u promet divljih riba, mekušaca i rakova, njihovih jaja i gameta, moraju biti ispunjeni sljedeći dodatni uvjeti:

a) kada se dopremaju na odobreno područje, moraju sukladno članku 11. ove odluke biti praćeni certifikatom koji odgovara modelu propisanom u Aneksu V, u poglavlju VI. kojim se dokazuje da imaju podrijetlo iz područja istih zdravstvenih uvjeta;

b) kada se dopremaju na uzgajalište koje je smješteno u neodobrenom području, a koje ispunjava uvjete iz Aneksa III, moraju sukladno članku 11. ove odluke biti praćeni certifikatom koji odgovara modelu propisanom u Aneksu V, u poglavlju VI. kojim se dokazuje da imaju podrijetlo iz odobrenog područja;

c) kada su životinje ulovljene u otvorenom moru s namjerom da se koriste za uzgoj u odobrenim područjima i odobrenim uzgajalištima, moraju biti smještene u karantin pod nadzorom mjerodavnog veterinarskog inspektora.

(4) Uvjeti propisani u st. (1), (2), i (3) ovog članka se ne primjenjuju gdje praktično iskustvo i/ili naučna dokumentacija može dokazati da ne postoji mogućnost pasivnog prenosa bolesti kada se akvakultura, njihova jaja i gameti, koji ne pripadaju prijemčivim vrstama koje su navedene u Aneksu I, koloni 2, listi II, premještaju iz neodobrenog u odobreno područje. Ured je dužan sastaviti listu životinja akvakulture na koje će se odnositi spomenuta odstupanja iz ovog stava, koja može biti promijenjena u skladu sa naučnim i tehnološkim dostignućima. Ured je dužan naknadno propisati posebne uvjete stavljanja u promet takvih životinja, uključujući i prateći dokument.

(5) Ovaj član se ne primjenjuje na ukrasne tropske ribe stalno držane u akvarijumima.

#### Članak 15.

(1) Ured je dužan propisati obim i učestalost uzorkovanja i dijagonstičke metode koje će se primjenjivati za otkrivanje i potvrdu prisustva bolesti navedenih u Aneksu I, koloni 1.

(2) Prilikom određivanja obima i učestalosti uzorkovanja treba uzeti u obzir prisutnost divljih riba, rakova i mekušaca u vodenom okruženju.

#### Članak 16.

(1) Mjerodavni organi entiteta i Brčko Distrikta Bosne i Hercegovine su dužni, preko svojih inspeksijskih odjeljenja, obezbijediti provođenje mjera propisanih ovom odlukom.

(2) Ured je dužan preko svog inspeksijskog odjeljenja da vrši kontrolu primjene mjera propisanih ovom odlukom.

(3) Mjerodavni organi entiteta i Brčko Distrikta Bosne i Hercegovine su dužni osigurati svu neophodnu pomoć inspeksijskom timu Ureda u obavljanju njihove dužnosti.

### POGLAVLJE III. UVJETI

#### Članak 17.

(1) Uvjeti uvoza u Bosnu i Hercegovinu iz zemalja koje se bave uzgojem i proizvodnjom životinja iz članka 1. ove odluke, propisani su čl. 24. do 26. Zakona o veterinarstvu Bosne i Hercegovine ("Službeni glasnik BiH", broj 34/02) i Odlukom o uvjetima uvoza i provoza živih životinja, proizvoda i namirnica životinjskog porijekla, lijekova, stočne hrane i otpadaka u Bosnu i Hercegovinu ("Službeni glasnik BiH", broj 17/04).

(2) Prilikom uvoza ili provoza pošiljki iz člana 1. ove odluke, svaka pošiljka mora biti praćena propisanim međunarodnim veterinarskim certifikatom kojim se garantuje zdravstvena ispravnost pošiljke, ako međunarodnim ugovorom nije drugačije određeno. Detaljni uvjeti izdavanja certifikata su propisani u Odluci o veterinarskom certifikatu o zdravstvenom stanju životinja i pošiljaka životinjskog porijekla u unutarnjem i međunarodnom prometu ("Službeni glasnik BiH", broj 33/03).

(3) U slučaju uvoza u Bosnu i Hercegovinu ikre i živih riba, radi daljeg uzgoja, mora se obaviti karantena.

### POGLAVLJE IV - ZAVRŠNE ODREDBE

#### Članak 18.

Aneksi I, II, III, IV i V su sastavni dio ove odluke i isti se objavljuju zajedno sa odlukom.

#### Članak 19.

Ova odluka stupa na snagu osmog dana od dana objavljivanja u "Službenom glasniku BiH".

MVTEO broj 07-2-02-9074/05  
kolovoza 2005. godine  
Sarajevo

Ministar  
**Dragan Doko**, v. r.

### ANEKS I LISTA BOLESTI I PRIJEMČIVE VRSTE

1	2
Bolest	Prijemčiva vrsta
LISTA I	
Ribe	
Infektivna anemija lososa (ISA)	Atlantski losos (Salmo salar)

### LISTA II

Ribe	
Virusna hemoragična septikemija (VHS)	Samonidne vrste
	Lipljan ( <i>Thymallus thymallus</i> )
	Koregonus ( <i>coregonus</i> spp.)
	Štuka ( <i>Esox lucius</i> )
	Rumbac ( <i>Scophthalmus maximus</i> )
Infektivna hematopoetska nekroza (IHN)	Salmonidne vrste
	Mlad štuke ( <i>Esox lucius</i> )
Mekušci	
Bonamioza	Kamenice ( <i>Ostrea edulis</i> )
Marteilioza školjkaša	Kamenice ( <i>Ostrea edulis</i> )

### LISTA III

Ribe	Određuje se u skladu sa programima propisanim u čl.12. i 13. ove odluke
Infektivna nekroza gušterače (IPN)	
Proljetna viremija šarana (SVC)	
Bakterijska bolest bubrega (BKD)	
Furunkuloza	
Enteric red mouth disease (ERM)	
Jersinioza	
Girodaktiloza	
Rakovi	
Kuga rakova ( <i>Aphanomyces astaci</i> )	

## ANEKS II ODOBRENA PODRUČJA

### I. KOPNENA PODRUČJA U KOJIMA SE UZGAJAJU RIBLJE VRSTE NAVEDENE U KOLONI 2, LISTI II, ANEKSA I

#### A. Definicija kopnenog područja

Kopneno područje se sastoji od:

- dijela teritorije koji obuhvata cijelo porječje od izvora vodenog toka do ušća, ili više od jednog porječja - sliv, u kojem je riba uzgajana, držana ili uhvaćena, ili
- dio porječja od izvora vodenog toka do prirodne ili vještačke barijere kojom je onemogućena migracija ribe koje se nalaze nizvodno od te barijere.

Veličina i geografske prilike kopnenog područja moraju biti takve da mogućnosti rekontaminacije, npr., kretanjem riba budu svedene na minimum. U tu svrhu može se zahtijevati uspostava međuzone, u kojoj bi se provodio monitoring program bez dobivanja statusa odobrenog područja.



## B. Dodjela statusa odobrenog područja

U cilju dodjele statusa odobrenog područja moraju biti ispunjeni slijedeći uvjeti:

1. Da su sve ribe najmanje četiri godine slobodne od svih kliničkih ili nekih drugih znakova od jedne ili više bolesti koje se nalaze u Aneksu I, koloni 1, listi II;
2. Da su sva uzgajališta, koja su smještena u kopnenom području, pod nadzorom mjerodavnog veterinarskog inspektora, te da su tokom dvije godine, godišnje obavljana dva inspekcijska pregleda. Inspekcijski pregled mora biti proveden u doba godine kada je temperatura vode najpogodnija za razvoj ovih bolesti. Inspekcijski pregled se sastoji od:
  - pregleda riba koje pokazuju patološke promjene, i
  - uzimanja uzoraka u skladu sa programom propisanim u članku 15. ove odluke koji će biti poslani najkraćem mogućem roku u ovlaštenu /referentnu laboratoriju radi testiranja na patogene uzročnike.
3. Da ako nema uzgajališta u kopnenom području, predmet pregleda mjerodavnog veterinarskog inspektora moraju biti ribe iz nižih dijelova porječja ili sliva i to dva puta godišnje kroz četiri godine u skladu sa stavkom (2);
4. Da su laboratorijska ispitivanja riba uzetih tokom inspekcijskog pregleda dala negativne rezultate na ispitivane uzročnike bolesti.
5. Kada nadležni entitetski organ ili Brčko Distrikta Bosne i Hercegovine traži odobrenje za područje koje se jednim dijelom nalazi u susjednom entitetu ili Brčko Distriktu Bosne i Hercegovine ili je zajedničko za oba entiteta ili entitet i Brčko Distrikt Bosne i Hercegovine, primjenjuju se slijedeće odredbe:
  - Zainteresovane strane iz ovog stava su dužne istovremeno podnijeti zahtjev za odobrenje u skladu sa procedurama propisanim u članku 5. ili 10. ove odluke,
  - Ured je dužan ispitati i provjeriti zahtjeve i na osnovu toga evaluirati zdravstvenu situaciju, te ukoliko bude potrebe propisati dodatne odredbe neophodne za davanje takvog odobrenja,
  - Zainteresovane strane su dužne osigurati jedna drugoj svu neophodnu pomoć u provođenju mjera propisanih ovom odlukom,
  - U slučaju slične ili iste situacije sa susjednom zemljama (Republika Hrvatska i Državna Zajednica Srbije i Crna Gore) poštovaće se procedure potpisane bilateralnim sporazumima.

Područje koje ima istorijski zapis o nepostojanju bolesti koje su objavljene u Aneksu I, liste II, može dobiti status odobrenog područja ukoliko:

- a) njihov geografski položaj nije takav da dopušta lagan ulazak bolesti;
- b) postoji službeni sistem kontrole bolesti kroz duži vremenski period od najmanje deset godina tokom kojeg je vršeno:
  - redovno praćenje svih uzgajališta,
  - sistematično izvještavanje o pojavi bolesti,
  - nije zabilježen niti jedan slučaj bolesti,
  - po važećim pravilima, da su samo riblja jaja ili gameti iz neinficiranog područja ili uzgajališta koji su pregledani od strane mjerodavnog veterinarskog inspektora i pri tome pokazali ekvivalentne zdravstvene garancije, mogli ući u područje.

Period od 10 godina može biti reduciran na pet godina kao rezultat testiranja provedenog od strane mjerodavnog veterinarskog inspektora na zahtjev mjerodavnog organa entiteta i Brčko Distrikta Bosne i Hercegovine obezbijedujući da je redovno praćenje svih uzgajališta, uključivalo najmanje dva inspekcijska pregleda godišnje uključujući:

- pregled riba koje pokazuju patološke promjene, i

- uzimanje uzoraka najmanje 30 riba tokom svakog inspekcijskog pregleda

Mjerodavni organi entiteta i Brčko Distrikta Bosne i Hercegovine mogu podnijeti zahtjev po pitanju gore navedenog.

### **C. Održavanje statusa odobrenog područja**

Da bi se zadržao status odobrenog područja slijedeći uvjeti moraju biti ispunjeni:

1. Riba koja ulazi unutar područja mora imati podrijetlo iz drugog odobrenog područja ili odobrenog uzgajališta;
2. Svako uzgajalište mora biti podvrgnuto inspekcijskom pregledu dva puta godišnje u skladu sa tačkom B 2, osim uzgajališta bez mlađi koja mogu biti pregledana jednom godišnje. Uzorci za analizu se uzimaju sistemom rotacije svake godine od 50% uzgajališta;
3. Rezultati laboratorijskog ispitivanja od riba uzetih tokom inspekcijskog pregleda moraju biti negativni na ispitivane uzročnike bolesti koji su navedeni u Aneksu I, kolona I, lista II.
4. Uzgajivač ili osoba koja je odgovorna za ulazak ribe u uzgajalište mora čuvati registar, sa svim neophodnim informacijama koje omogućuju da se zdravstveno stanje riba može kontinuirano pratiti.

### **D. Mjere privremene suspenzije, ponovnog vraćanja i oduzimanja statusa odobrenog područja**

1. Bilo koje iznenadno uginuće ribe ili simptom koji može predstavljati osnovu za sumnju na žarište među ribama po pitanju bolesti koje su navedene u Aneksu I, koloni 1, liste II mora što hitnije biti prijavljeno najbližoj veterinarskoj organizaciji, u skladu sa Poglavljem III, Odluke o zaraznim bolestima ("Službeni glasnik BiH", broj 44/03). Mjerodavni veterinarski inspektor dužan je odmah obavijestiti Ured i zatražiti od Ureda mjeru privremene suspenzije statusa odobrenog područja, ili dijela područja, osiguravajući da taj dio područja koji još uvijek ima odobreni status nastavlja udovoljavati uvjetima propisanim u tački A ovoga Aneksa.
2. Uzorak od najmanje deset bolesnih životinja mora biti poslan u ovlaštenu ili referentnu laboratoriju radi pretrage na uzročnike bolesti. Rezultati pretraga odmah moraju biti dostavljeni mjerodavnom veterinarskom inspektoratu.
3. Ako su rezultati negativni na tražene uzročnike bolesti, ili pozitivni na neke druge uzročnike, mjerodavni veterinarski inspektor predlaže Uredu mjeru vraćanja statusa odobrenog područja.
4. U slučaju da dijagnoza ne može biti uspostavljena, veterinarski inspekcijski pregled mora biti ponavljen petnaest dana nakon prvog uzorkovanja i dovoljan broj bolesnih riba mora se uzeti i poslato u ovlaštenu ili referentnu laboratoriju radi testiranja na tražene uzročnike bolesti. Ako su rezultati ponovo negativni ili ako nema više bolesnih riba mjerodavni veterinarski inspektor dužan je zatražiti od Ureda vraćanje statusa odobrenog područja.
5. Ako su rezultati pretraga pozitivni, mjerodavni veterinarski inspektor dužan je narediti mjere za otklanjanje uzroka i od Ureda zatražiti oduzimanja statusa odobrenog područja, odnosno dijela područja koji se odnosi na tačku 1.
6. Da bi se ponovo dodijelio status odobrenog područja ili dijela područja koji se odnosi na tačku 1. moraju biti provedene slijedeće mjere:
  - a) kada se žarište pojavi:
    - sve ribe u inficiranom uzgajalištu moraju biti zaklane, a inficirane i zaražene ribe moraju biti neškodljivo uništene,
    - uređaji i oprema moraju biti dezinficirani u skladu sa procedurom odobrenom od strane mjerodavnih organa;

b) poslije saniranja žarišta, zahtjevi navedeni u tački B se ponovo moraju ispuniti.

7. Mjerodavni organi entiteta i Brčko Distrikta Bosne i Hercegovine su dužni informisati Ured i druge zainteresirane strane po pitanju određivanja mjera privremene suspenzije, ponovnog vraćanja ili oduzimanja statusa odobrenog područja ili dijela područja koje se odnose na tačku 1.

## II. PRIOBALNA PODRUČJA U KOJIMA SE UZGAJAJU RIBLJE VRSTE NAVEDENE U KOLONI 2, LISTI II ANEKSA I

**A. Priobalno područje se sastoji od priobalne ili morske vode ili morskog rukavca sa preciznim geografskim ograničenjima koji sadrže homogene hidrološke sisteme ili niz takvih sistema.**

### **B. Dodjela statusa odobrenog područja**

U cilju dodjele statusa odobrenog područja, moraju biti ispunjeni isti uvjeti kao i za kopneno područje, koji su propisani u tački I B.

### **C. Održavanje statusa odobrenog područja**

Održavanje statusa odobrenog područja provodi se sukladno uvjetima propisanim u tački I C.

### **D. Mjere privremene suspenzije, ponovnog vraćanja i oduzimanja statusa odobrenog područja**

Primjenjuju se mjere propisane u tački I D.

## III. PRIOBALNA PODRUČJA U KOJIMA SE UZGAJAJU MEKUŠCI NAVEDENI U KOLONI 2, LISTI II, ANEKSA I

### **A. Priobalno područje odgovara definiciji navedenoj u tački II A**

### **B. Dodjela statusa odobrenog područja**

U cilju dodjele statusa odobrenog područja moraju se ispuniti slijedeći uvjeti:

1. Da svi mekušci tokom dvije godine nisu pokazivali kliničke ili neke druge znake, na jednu ili više bolesti koje su navedene u Aneksu I, koloni 1, listi II;
2. Da su sva uzgajališta koja su smještena u priobalnom području pod nadzorom mjerodavnog veterinarskog inspektora. Inspeksijski pregled se provodi u intervalima prilagođenim razvoju spomenutih patogenih uzročnika. Tokom navedenih inspeksijskih pregleda uzeti uzorci trebaju biti poslani, bez odlaganja, u ovlaštenu ili referentnu laboratoriju na dijagnostičko ispitivanje na spomenute patogene uzročnike;
3. Ako nema uzgajališta u priobalnom području, mjerodavni veterinarski inspektor mora mekušce izložiti inspeksijskom pregledu sukladno tački 2., u intervalima koji su prilagođeni razvoju spomenutih patogenih uzročnika. Ako detaljno istraživanje faune pokaže da područje ne sadrži bilo kakav vektor prenosa, prijenosnika ili prijemčivu vrstu, može proglasiti područje odobrenim;
4. Da su laboratorijska ispitivanja mekušaca uzetih tokom inspeksijskog pregleda dala negativne rezultate na ispitivane uzročnike bolesti.

Za područja koja imaju istorijski zapis o nepostojanju bolesti koje su navedene u Aneksu I, koloni 1, listi II, ovu informaciju treba uzeti u obzir kod dodjele statusa odobrenog područja.

### **C. Održavanje statusa odobrenog područja**

Da bi se zadržao status odobrenog područja slijedeći uvjeti moraju biti ispunjeni:

- 1) Mekušci koji se dopremaju u priobalno područje moraju dolaziti iz drugog odobrenog priobalnog područja ili iz odobrenog ugajališta iz neodobrenog područja;
- 2) Svako uzgajalište mora biti podvrgnuto inspekcijskom pregledu u skladu sa tačkom B 2 u intervalima prilagođenim razvoju spomenutih uzročnika bolesti;
- 3) Rezultati laboratorijskog ispitivanja moraju biti negativni u pogledu uzročnika bolesti koje su navedene u Aneksu I, koloni 1 lista II;
- 4) Registar mora biti čuvan od strane uzgajatelja ili osobe koja je odgovorna za ulazak mekušaca, sa svim neophodnim informacijama koje omogućuju da se zdravstveno stanje mekušaca može kontinuirano pratiti.

#### **D. Mjere privremene suspenzije, ponovnog vraćanja i oduzimanja statusa odobrenog područja**

1. Bilo koja iznenadna smrt ili simptom koji može predstavljati osnov za sumnju na žarište među mekušcima po pitanju bolesti koje su navedene u Aneksu I, koloni 1, lista II mora što hitnije biti prijavljena najbližoj veterinarskoj organizaciji. Mjerodavni veterinarski inspektor naređuje mjeru privremene suspenzije statusa odobrenog područja ili ako je područje sastavljeno od niza hidroloških sistema, dio tog niza gdje takav dio ima precizna geografska ograničenja i sadrži homogeni hidrološki sistem, pod uvjetom da taj dio koji još uvijek ima odobrenje nastavi udovoljavati uvjetima propisanim u tački A.
2. Uzorak od bolesnog mekušca mora biti poslan u ovlaštenu ili referentnu laboratoriju radi pretrage na patogene uzročnike. Rezultati pretraga odmah moraju biti dostavljeni mjerodavnom veterinarskom inspektoru.
3. Ako su rezultati negativni na tražene patogene, a pozitivni na neke druge uzročnike, mjerodavni veterinarski inspektor naređuje mjeru vraćanja statusa odobrenog područja.
4. U slučaju da dijagnoza ne može biti uspostavljena, inspekcijski pregled mora biti ponavljen petnaest dana nakon prvog uzorkovanja i dovoljan broj bolesnih mekušaca mora se uzeti i poslati u opunomoćenu ili referentnu laboratoriju radi testiranja na tražene uzročnike bolesti. Ako su rezultati ponovo negativni ili ako nema više bolesnih mekušaca nadležni veterinarski inspektor naređuje mjeru vraćanja statusa odobrenog područja.
5. Ako su rezultati pretraga pozitivni, mjerodavni veterinarski inspektor naređuje mjeru oduzimanja statusa odobrenog područja, odnosno dijela područja koji se odnosi na tačku 1.
6. Da bi se ponovo dodijelo status odobrenog područja ili dijela područja koji se odnosi na tačku 1. moraju biti provedene slijedeće mjere:
  - a) kada se žarište pojavi:
    - inficirani i zaraženi mekušci moraju biti uništeni,
    - uređaji i oprema moraju biti dezinficirani uz skladu sa procedurom odobrenom od strane mjerodavnog organa;
  - b) poslije saniranja žarišta, zahtjevi postavljeni u tački B opet moraju biti ispunjeni.
7. Mjerodavni organi entiteta i Brčko Distrikta Bosne i Hercegovine su dužni informirati Ured i druge zainteresirane strane po pitanju određivanja mjera privremene suspenzije, ponovnog vraćanja ili oduzimanja statusa odobrenog područja ili dijela područja koje se odnose na tačku 1.

### **ANEKS III ODOBRENA UZGAJALIŠTA U NEODOBRENIM PODRUČJIMA**

#### **I. KOPNENA UZGAJALIŠTA U KOJIMA SE UZGAJAJU RIBLJE VRSTE NAVEDENE U KOLONI 2, LISTI II, ANEKSA I**

##### **A. Dodjela statusa odobrenog uzgajališta**

U cilju dodjele statusa odobrenog uzgajališta moraju biti ispunjeni sljedeći uvjeti:

1. Snabdijevanje vodom mora biti iz bunara, bušotine ili izvora. Kada je takav vid vodosnabdijevanja udaljen od uzgajališta, voda mora direktno dolaziti na uzgajalište, dovedena putem cijevi ili u saglasnosti mjerodavnog veterinarskog inspektora otvorenim sistemom ili prirodnim tokom, pod uvjetom da ne sadrži izvor infekcije za uzgajalište i da ne dozvoljava ulazak divljih riba. Vodeni kanal mora biti pod kontrolom uzgajališta ili u slučaju gdje to nije moguće od strane mjerodavnog organa.
2. Mora postojati prirodna ili vještačka barijera postavljena nizvodno koja će sprječavati ulazak riba u navedeno uzgajalište.
3. Ako je potrebno, mora biti osigurano protiv poplave i prodiranja vode.
4. Mora udovoljavati, uvjetima propisanim u Aneksu II (I.B.)
5. Mogu biti sprovedene dodatne mjere naredene od strane mjerodavnog veterinarskog inspektora ako se smatra da je to potrebno u cilju sprječavanja unosa bolesti. Takve mjere mogu uključivati uspostavu međuzone oko uzgajališta u kojoj bi se provodio monitoring program i uspostavu zaštite protiv neželjenog ulaska nosioca i vektora uzročnika bolesti.
6. U slučaju da :
  - a) novo uzgajalište koje ispunjava uvjete koji su navedeni u 1., 2., 3. i 5., a koje započinje svoj rad sa ribom, jajima ili gametima koje imaju podrijetlo iz odobrenog područja ili odobrenog uzgajališta smještenog u neodobrenom području, može dobiti status odobrenog uzgajališta bez provedenog uzorkovanja koje se traži kod dodjele odobrenja;
  - b) uzgajalište koje ispunjava uvjete koji su navedeni u 1., 2., 3. i 5., a koje ponovo počinje svoje aktivnosti, nakon određenog vremena, sa ribom, jajima ili gametima koji imaju podrijetlo iz odobrenog područja ili odobrenog uzgajališta smještenog u neodobrenom području može dobiti status odobrenog uzgajališta bez provedenog uzorkovanja koje se traži prilikom dodjele odobrenja pod uvjetom da ispunjava sljedeće uvjete:
    - da je mjerodavni veterinarski inspektor bio upoznat sa veterinarsko - zdravstvenim stanjem i radom uzgajališta tokom prethodne četiri godine, a u slučaju da spomenuto uzgajalište radi manje od četiri godine, vremenski period od kada radi uzgajalište treba biti uzeto u obzir,
    - da uzgajalište nije bilo predmet preduzimanja veterinarsko zdravstvenih mjera koje se odnose na bolesti navedene na listi II, Aneksa I, te da pojava ovih bolesti na uzgajalištu nije bila ranije prijavljena,
    - da je, prije ulaska ribe, jaja ili gameta, uzgajalište očišćeno i dezinficirano, i u potpunosti bilo ispražnjeno tokom perioda od minimalno 15 dana pod službenim nadzorom.

U slučaju da se traži odobrenje na osnovu istorijskog zapisa sa službenim sistemom kontrole u periodu od 10 godina, moraju biti ispunjeni i sljedeći dodatni uvjeti u pogledu provođenja, jedanput godišnje, kliničkog ispitivanja i uzorkovanja u ovlaštenoj / referentnoj laboratoriji radi pretrage na uzročnike bolesti iz Aneksa I, lista II.

## **B. Održavanje statusa odobrenog uzgajališta**

Da bi se zadržao status odobrenog uzgajališta moraju se ispuniti uvjeti propisani u Aneksu II (I C). Uzorkovanje se mora obavljati jednom godišnje.

## **C. Mjere privremene suspenzije, ponovnog vraćanja i oduzimanja statusa odobrenog uzgajališta**

Primjenjuju se mjere propisane u Aneksu II (I D).

## **II. PRIOBALNA UZGAJALIŠTA U KOJIMA SE UZGAJAJU RIBLJE VRSTE NAVEDENE U KOLONI 2, LISTI II, ANEKSA I**

### **A. Dodjela statusa odobrenog uzgajališta**

U cilju dodjele statusa odobrenog uzgajališta moraju se ispunjavati slijedeći uvjeti:

1. Mora biti snabdijeveno sistemom vodosnabdijevanja koji omogućuje uništavanje uzročnika bolesti koje se nalaze u Aneksu I, kolona 1, listi II;
2. Mora udovoljavati, uvjetima propisanim u Aneksu II (II B).
3. U slučaju da:
  - a) novo uzgajalište koje ispunjava uvjete koji su navedeni u 1 i 2, a koje započinje svoj rad sa ribom, jajima ili gametima koje potiču iz odobrenog područja ili odobrenog uzgajališta smještenog u neodobrenom području može dobiti odobrenje bez provedenog uzorkovanja traženog kod dodjele odobrenja;
  - b) uzgajalište koje ispunjava uvjete koji su navedeni u 1. i 2., a koje ponovo počinje svoje aktivnosti, nakon određenog vremena, sa ribom, jajima ili gametima koji imaju podrijetlo iz odobrenog područja ili odobrenog uzgajališta smještenog u neodobrenom području može dobiti odobrenje bez provedenog uzorkovanja koje se traži prilikom dodjele odobrenja pod uvjetom da ispunjava slijedeće uvjete:
    - da je mjerodavni veterinarski inspektor bio upoznat sa veterinarsko-zdravstvenim stanjem i radom uzgajališta tokom prethodne četiri godine, a u slučaju da spomenuto uzgajalište radi manje od četiri godine, vremenski period od kada uzgajalište radi treba biti uzeto u obzir,
    - da uzgajalište nije bilo predmet preduzimanja veterinarsko - zdravstvenih mjera koje se odnose na bolesti navedene na listi II, Aneksa I, te da pojava ovih bolesti na uzgajalištu nije bila ranije prijavljena,
    - da je, prije ulaska ribe, jaja ili gameta, uzgajalište očišćeno i dezinficirano i u potpunosti bilo ispražnjeno tokom perioda od minimalno 15 dana pod službenim nadzorom.

## **B. Održavanje statusa odobrenog uzgajališta**

Da bi se zadržao status odobrenog uzgajališta moraju se, ispuniti uvjeti propisani u Aneksu II (II C).

## **C. Mjere privremene suspenzije, ponovnog vraćanja i oduzimanja statusa odobrenog uzgajališta**

Primjenjuju se mjere, propisane u Aneksu II (II D).

## **III. PRIOBALNA UZGAJALIŠTA U KOJIMA SE UZGAJAJU MEKUŠCI NAVEDENI U KOLONI 2, LISTI II, ANEKSA I**

### **A. Dodjela statusa odobrenog uzgajališta**

U cilju dodjele statusa odobrenog uzgajališta moraju se ispunjavati slijedeći uvjeti:

1. Mora biti snabdijeveno sistemom vodosnabdijevanja koje sadrži opremu za uništavanje uzročnika bolesti koje su navedene u Aneksu I, koloni 1, listi II;
2. Mora udovoljavati, uvjetima propisanim u Aneksu II (III B), tačkama 1., 2. i 4.
3. U slučaju da:
  - a) novo uzgajalište koje ispunjava uvjete koji su navedeni u 1. i 2., a koje započinje svoj rad sa mekušcima koji potiču iz odobrenog područja ili odobrenog uzgajališta smještenog u neodobrenom području može dobiti odobrenje bez provedenog uzorkovanja koje se traži prilikom dodjele odobrenja;
  - b) uzgajalište koje ispunjava uvjete koji su navedeni u 1. i 2., a koje ponovo počinje svoje aktivnosti, nakon određenog vremena, sa mekušcima, jajima ili gametima koji imaju podrijetlo iz odobrenog područja ili odobrenog uzgajališta smještenog u neodobrenom području može dobiti odobrenje bez provedenog uzorkovanja koje se traži prilikom dodjele odobrenja pod uvjetom da ispunjava slijedeće uvjete:

- da je mjerodavni veterinarski inspektor bio upoznat sa veterinarsko - zdravstvenim stanjem i radom uzgajališta tokom prethodne dvije godine,
- da uzgajalište nije bilo predmet preduzimanja veterinarsko zdravstvenih mjera koje se odnose na bolesti navedene na listi II, Aneksa I, te da pojava ovih bolesti na uzgajalištu nije bila ranije prijavljena,
- da je, prije ulaska mekušaca, jaja ili gameta, uzgajalište očišćeno i dezinficirano i u potpunosti bilo ispražnjeno tokom perioda od minimalno 15 dana pod službenim nadzorom.

## B. Održavanje statusa odobrenog uzgajališta

Da bi se zadržao status odobrenog uzgajališta moraju se ispunjavati uvjeti, propisani u Aneksu II (III C), tačka 1. i 4.

## C. Mjere privremene suspenzije, ponovnog vraćanja i oduzimanja statusa odobrenog uzgajališta

Primjenjuju se mjere, propisane u Aneksu II (III D).

### ANEKS IV OBNAVLJANJE VODE

Obnavljanje vode tokom transporta akvakulture će se provoditi na način kako je odobrio Ured, vodeći računa da slijedeći uvjeti budu ispunjeni:

1. Higijenska svojstva vode, koja se koristi za obnavljanje, moraju biti takva da ne mijenjaju zdravstveni status vrsta koje se transportuju s obzirom na uzročnike bolesti navedenih u Aneksu I, kolona 1, lista II.
2. Ove prostorije će sadržavati uređaje napravljene tako da mogu spriječiti kontaminaciju okoliša:
  - ili s mogućnosti dezinfekcije vode, ili
  - osiguravajući da se ispuštanje ovakve vode pod bilo kakvim uvjetima ne vrši direktno u otvoreno more ili prirodne vodotokove.

### ANEKS V Modeli certifikata

#### POGLAVLJE 1

#### CERTIFIKAT ZA PROMET ŽIVE RIBE, JAJA I GAMETE KOJI POTIČU IZ ODOBRENOG PODRUČJA

I. Dobreno područje:

---

II. Uzgajalište iz kojeg potiče pošiljka (ime i adresa):

---



---

III. Vrsta životinja/priozvoda:

		Živa riba	Jaja	Gameti
Podorica (zajedničko i naučno ime)				
Vrsta (zajedničko i naučno ime)				
Količina	Broj			

	Ukupna težina			
	Prosječna težina			

IV. Odredište

Mjesto isporuke (krajnje odredište):

\_\_\_\_\_

Primalac robe (ime i adresa):

\_\_\_\_\_

\_\_\_\_\_

V. Način transporta:

\_\_\_\_\_

VI. Podaci o zdravstvenoj ispravnosti pošiljke:

Dole potpisani veterinarski inspektor potvrđuje da su životinje ili roba koju prati ovaj certifikat podrijetlom iz odobrenog područja i da ispunjavaju sve uvjete propisane Odlukom o veterinarsko-zdravstvenim uvjetima koji moraju biti ispunjeni prilikom stavljanja u promet žive ribe, rakova i mekušaca, te proizvoda dobivenih od njih.

Urađeno u \_\_\_\_\_ datum \_\_\_\_\_  
(mjesto)

Pečat \_\_\_\_\_  
(potpis mjerodavnog veterinarskog inspektora)

\_\_\_\_\_  
(štampano velikim slovima ime i prezime i funkcija potpisnika)

POGLAVLJE 2

CERTIFIKAT ZA PROMET ŽIVE RIBE, JAJA I GAMETE KOJI POTIČU IZ ODOBRENOG  
UZGAJALIŠTA

I. Naziv uzgajališta:

\_\_\_\_\_

II. Adresa uzgajališta:

\_\_\_\_\_

\_\_\_\_\_

III. Vrsta životinja/priozvoda:



		Živa riba	Jaja	Gameti
Podorica (zajedničko i naučno ime)				
Vrsta (zajedničko i naučno ime)				
Količina	Broj			
	Ukupna težina			
	Prosječna težina			

#### IV. Odredište

Mjesto isporuke (krajnje odredište):

---

Primalac robe (ime i adresa):

---



---

V. Način transporta:

---

VI. Podaci o zdravstvenoj ispravnosti pošiljke:

Dole potpisani veterinarski inspektor potvrđuje da su životinje ili roba koju prati ovaj certifikat podrijetlom iz odobrenog područja i da ispunjavaju sve uvjete propisane Odlukom o veterinarsko-zdravstvenim uvjetima koji moraju biti ispunjeni prilikom stavljanja u promet žive ribe, rakova i mekušaca, te proizvoda dobivenih od njih.

Urađeno u \_\_\_\_\_ datum \_\_\_\_\_  
(mjesto)

Pečat \_\_\_\_\_  
(potpis mjerodavnog veterinarskog inspektora)

\_\_\_\_\_  
(štampano velikim slovima ime i prezime i funkcija potpisnika)

### POGLAVLJE 3

#### CERTIFIKAT ZA PROMET MEKUŠACA KOJI POTIČU IZ ODOBRENOG PODRUČJA

I. Odobreno područje:

---

II. Uzgajalište iz kojeg potiče pošiljka (ime i adresa):

---



---

III. Vrsta životinja/priozvoda:

	Mekušci
Podorica (zajedničko i naučno ime)	
Vrsta (zajedničko i naučno ime)	
Količina	Broj
	Ukupna težina
	Prosječna težina

IV. Odredište

Mjesto isporuke (krajnje odredište):

\_\_\_\_\_

Primalac robe (ime i adresa):

\_\_\_\_\_

\_\_\_\_\_

V. Način transporta:

\_\_\_\_\_

VI. Podaci o zdravstvenoj ispravnosti pošiljke:

Dole potpisani veterinarski inspektor potvrđuje da su životinje ili roba koju prati ovaj certifikat podrijetlom iz odobrenog priobalnog područja i da ispunjavaju sve uvjete propisane Odlukom o veterinarsko-zdravstvenim uvjetima koji moraju biti ispunjeni prilikom stavljanja u promet žive ribe, rakova i mekušaca, te proizvoda dobivenih od njih.

Urađeno u \_\_\_\_\_ datum \_\_\_\_\_  
(mjesto)

Pečat \_\_\_\_\_  
(potpis mjerodavnog veterinarskog inspektora)

\_\_\_\_\_  
(štampano velikim slovima ime i prezime i funkcija potpisnika)

POGLAVLJE 4

CERTIFIKAT ZA PROMET MEKUŠACA KOJI POTIČU IZ ODOBRENOG UZGAJALIŠTA

I. Naziv uzgajališta:

\_\_\_\_\_

II. Adresa uzgajališta:

\_\_\_\_\_

---

### III. Vrsta životinja

	Mekušci	
Podorica (zajedničko i naučno ime)		
Vrsta (zajedničko i naučno ime)		
Količina		Broj
		Ukupna težina
	Prosječna težina	

### IV. Odredište

Mjesto isporuke (krajnje odredište):

---

Primalac robe (ime i adresa):

---

---

V. Način transporta:

---

VI. Podaci o zdravstvenoj ispravnosti pošiljke:

Dole potpisani veterinarski inspektor potvrđuje da su životinje ili roba koju prati ovaj certifikat podrijetlom iz odobrenog uzgajališta i da ispunjavaju sve uvjete propisane Odlukom o veterinarsko-zdravstvenim uvjetima koji moraju biti ispunjeni prilikom stavljanja u promet žive ribe, rakova i mekušaca, te proizvoda dobivenih od njih.

Urađeno u \_\_\_\_\_ datum \_\_\_\_\_  
(mjesto)

Pečat \_\_\_\_\_  
(potpis mjerodavnog veterinarskog inspektora)

\_\_\_\_\_  
(štampano velikim slovima ime i prezime i funkcija potpisnika)

### POGLAVLJE 5

CERTIFIKAT ZA PROMET \_\_\_\_\_ KOJE POTIČU IZ UZGOJA

I. Naziv i adresa uzgajališta:

---

II. Vrsta životinja/priozvoda:

	Živa riba	Jaja	Gameti	Mekušci
Podorica (zajedničko i naučno ime)				
Vrsta (zajedničko i naučno ime)				
Količina	Broj			
	Ukupna težina			
	Prosječna težina			

### III. Odredište

Mjesto isporuke (krajnje odredište):

\_\_\_\_\_

Primalac robe (ime i adresa):

\_\_\_\_\_

IV. Način transporta:

\_\_\_\_\_

V. Podaci o zdravstvenoj ispravnosti pošiljke:

Dole potpisani veterinarski inspektor potvrđuje da su životinje ili roba koju prati ovaj certifikat podrijetlom iz:

- 1) područja istih zdravstvenih uvjeta,
- 2) uzgajališta sa istim zdravstvenim statusom
- 3) odobrenog uzgajališta iz neodobrenog područja
- 4) odobrenog područja
- 5) uzgajališta koje je smješteno u neodobrenom području, ali sa takvim uvjetima da uzgajalište ne sadrži ribe, koje pripadaju prijemčivim vrstama navedenim u Aneksu A, koloni 2, listi II, Odluke o veterinarsko-zdravstvenim uvjetima koji moraju biti ispunjeni prilikom stavljanja u promet žive ribe, rakova i mekušaca, te proizvoda dobivenih od njih i nisu povezani sa vodenim tokom ili priobalnom ili morskim rukavcem

Urađeno u \_\_\_\_\_ datum \_\_\_\_\_  
(mjesto)

Pečat \_\_\_\_\_  
(potpis mjerodavnog veterinarskog inspektora)

\_\_\_\_\_  
(štampano velikim slovima ime i prezime i funkcija potpisnika)

### POGLAVLJE 6

#### CERTIFIKAT ZA PROMET DIVLJIH RIBA, MEKUŠACA I RAKOVA, NJIHOVIH JAJA I GAMETA

I. Područje u kojem su ulovljeni:

\_\_\_\_\_

II. Vrsta životinja/priozvoda:

	Živa riba	Jaja	Gameti	Mekušci	Rakovi
Podorica (zajedničko i naučno ime)					
Vrsta (zajedničko i naučno ime)					
Količina	Broj				
	Ukupna težina				
	Prosječna težina				

III. Odredište

Mjesto isporuke (krajnje odredište):

\_\_\_\_\_

Primalac robe (ime i adresa):

\_\_\_\_\_

IV. Način transporta:

\_\_\_\_\_

V. Podaci o zdravstvenoj ispravnosti pošiljke:

Dole potpisani veterinarski inspektor potvrđuje da su životinje ili roba koju prati ovaj certifikat podrijetlom iz:

- 1) područja istih zdravstvenih uvjeta,
- 2) odobrenog područja

Urađeno u \_\_\_\_\_ datum \_\_\_\_\_  
(mjesto)

Pečat \_\_\_\_\_  
(potpis mjerodavnog veterinarskog inspektora)

\_\_\_\_\_  
(štampano velikim slovima ime i prezime i funkcija potpisnika)

\_\_\_\_\_